

“হে প্রভো ! যতপি তুমি আমার বহুই উপকার করিয়াছ, তথাপি আমার ইহাই শেষ প্রার্থনা—তোমার চরণে আমার সতত প্রণাম থাকুক । হে মহাযোগিন ! তোমার চরণে একান্ত শরণাগত আমাকে তেমনই ভাবে শিক্ষা প্রদান কর—যে প্রকার শিক্ষায় মুক্তি অবস্থাতেও তোমার চরণকমলে আমার অনপায়িনী অর্থাৎ অবিচলা রতি থাকে ॥” ৩৩৫ ॥

অতএব অন্তস্থানেও অর্থাৎ অন্য অধিকারীর প্রতিও শ্রীকৃষ্ণস্বরূপের ধ্যান করিবারই অভিপ্রায় ১১।১৪।৩০ শ্লোকে প্রকাশ করিয়াছিলেন । অর্থাৎ যাহারা মুক্তি ইচ্ছা করেন, তাঁহাদের পক্ষেও যে শ্রীকৃষ্ণস্বরূপের ধ্যান করা কর্তব্য—এই অভিপ্রায়েই প্রার্থনা করিয়াছিলেন—

যথা হামরবিন্দাক্ষ যাদৃশং যাবদাত্মকম্ ।

ধ্যয়েন্মুমুক্ষুরে তন্মে ধ্যানংমে বক্তুমর্হসি ॥ ১১।১৪।৩০

“হে অরবিন্দাক্ষ ! মুমুক্ষু ব্যক্তি তোমাকে যে স্বরূপ ধ্যান করিবে, আমার নিকটে তাহাই তুমি বলিতে যোগ্য হও ! যতপি তোমার চরণারবিন্দের দাস্যই আমার একমাত্র পুরুষার্থ ; তাদৃশ অর্থাৎ মোক্ষ-সম্পাদক ধ্যানে কোনই প্রয়োজন নাই, তথাপি জিজ্ঞাসু ব্যক্তির কল্যাণার্থে আমি এই প্রকার জিজ্ঞাসা করিলাম ।” শ্রীউদ্ধব মহাশয় “অয়োপযুক্ত অগংগক” ইত্যাদি ১১।৬।৩১ শ্লোকে নিজের দাস্যই যে পরম পুরুষার্থ, তাহাই প্রকাশ করিয়াছিলেন ॥ ৩৩৬ ॥

শ্রীকৃষ্ণের সর্ব অবতার এবং সর্বাবতারীতে যে পরম শুভস্বভাব প্রকাশ হয় নাই, সেই স্বভাবটি স্মরণ করিয়া শ্রীউদ্ধব মহাশয় বলিয়াছিলেন—

অহো বকী যং স্তনকালকুটং জিঘাংসয়াপায়দপ্য সাধবী ।

লেভে গতিং ধাত্র্যচিতাং ততোহন্যং কং বা দয়ালুং শরণং ব্রজেম ॥

৩২।২৩ ॥

অহো ! অসৎ স্বভাবসম্পন্ন রাক্ষসী পুতনা শ্রীকৃষ্ণের প্রতি জিঘাংসা-বুদ্ধিতে কালকুটবিষলিপ্ত স্তন পান করাইয়াও ধাত্রীগণের প্রাপ্য যে স্থান, তাহা লাভ করিয়াছিল । অতএব যে প্রভুর এত দয়া, সেই দয়ালু প্রভু শ্রীকৃষ্ণ ব্যতীত অন্য কাহার শরণ গ্রহণ করিবে ? ॥ ৩৩৭ ॥

অনেন তত্রাপি গোকুললীলাত্মকশ্চ শ্রীকৃষ্ণশ্চ ভজনমাহাত্ম্যাতিশয়ো দর্শিতঃ । তথা পুতনা লোকবালগ্নীত্যাদৌ চ জ্ঞেয়ম্ । তথা শ্রীকৃষ্ণসন্দর্ভে চ যেন যেনাবতারেণে-
ত্যাদিকং বিবৃতমস্মি । অথ গোকুলে হপি শ্রীমদব্রজবধূসহিত-রাসাদিলীলাত্মকস-
পরমবৈশিষ্ট্যমাহ বিক্রীড়িতং ব্রজবধুভিরিদঞ্চ বিষ্ণোঃ শ্রদ্ধাষিতোহনুগৃহ্যাদধ বর্ণয়েদ্যঃ ।
ভক্তিং পরাং ভগবতি প্রতিলভ্য কামং হৃদরোগমাশ্বপহিনোত্যচিরেণ ধীরঃ ॥ ৩৩ ॥

চ কারাদন্যচ্চ । অথেনি বার্থে । শূন্যাদ্বা বর্ণয়েদ্বা । উপলক্ষণৈক্যতঃ ধ্যানাদেঃ ।
পরাং যতঃ পরা নাহা কুত্রচিদিদাতে তাদৃশীম্ । হৃদ্রোগং কামাদিকমপি শীঘ্রমেব